


## LUMA BERRIEN AZTARNAK

Kristina FERNÁNEZ



## Geranio gorria

**Miren JUARISTI**

**B**ukatu da. Gaurtik aurrera nire bizitzak beste bide bat hartuko du. Hauxe esaten zion Anak bere buruari urtean hiru aldiz gutxienez. Kate bat osatzen zuten Anaren ekintzek: nahi zuen zerbaitez ez zuela lortu konturatzen zen, inguruko jendea bera baino zoriontsuago zela ikusten zuen, eta eramanezin egiten zitzaion.

Orduan, esaldi famatua errepikatu bere lagunei eta ondoren lore berri bat erosten zuen. Geranioa izan zen oraingo hau; geranioa lore gorri-gorriekin.

Anak, bere bizitzan aldatu beharreko gauzen zerrenda bat osatzen zuen eta banan-banan bere lagunei kontatzan zizkien zerrenda hartan ipinitakoak. Hauek pazientzia eta arreta osoz entzuten zioten, ordurako hura guztia hutsean geldituko zela ez balekite bezala.

«Ez naiz gehiago amaren xantaia emocionalean eroriko, egunero gurasoen etxe-an bantzkeari utziko diot» –lehenengoa zerrendan. Bigarrena –«gogoa dudan bakoitzean deituko diot telefonoz Alfonsori, nazkatuko ote dudalako beldurra gaindituz». Eta, azkenik, –«lanetik garaiz aterako naiz, egin ez ditudan lanak hurrengo egunerako utzita». Aldi oro indarberrituta sentitzen zen, bizitzeko grina ikaragarria-rekin, kolore biziz janzen zen eta etxea se-kula baino garbiago eduki ohi zuen.

Baita orduko hartan ere; geranioa bal-koian jarri zuen, zapatak gordetzeko ar-

mairuaren gainean. Sakelako telefonoari esku artean bueltak eta bueltak ematen zizkion bitartean, balkoiaren barandan pausatu zen. Lore gorriei begiratuz, Popeye-k espinakak jatean bezala, indarberritu egin zen; pantailan Alfonsoaren zenbakia topatu zuen. Behin baino gehiagotan irakurri zuen izen hura, mantso eta ozen: «Alfon-so, Al-fon-so, Al-fon-sooooooo... arratsaldeko bostak dira eta lanean egongo zara», esan zuen. Bere baitan pentsatzeari ekin zion orduan; beharbada, ez zitzai laneko orduetan deitza gustatuko. Baina, kontxo!, izugarrizko gogoa zuen Alfonso-rekin hitz egiteko. Asteburuan geldituko ote ziren jakin nahi zuen; behingoz, bere bizitzako iparorratzaren lema harta nahi zuen; bai, deitu egingo zion. Eskuko telefonoaren pantailan berriro argitu zen Alfonsoaren izena eta deitzeko botoiarri sakatzen zihola, dei hark ekarri zitzakeen ondorio guztiak, bat-batean, ilaran agertu zitzakion begien aurrean, ilaran, klasera sartze-ko zain dauden haurrak bezala. Alfonso haserretu egingo zen dei hura jasotzean. Errespeturik ez zuela pentsatuko zuen lan orduetan horrelako tontakeriekin moles-tatzean; bere askatasuna baldintzatzen ari zela pentsatuko zuen. Osteguna zen arte-an eta larunbata heldu arte ez zion normalean Alfonsok ezer zehazten. Hori zen egia, pentsatu zuen Anak. Sakelako gogor jaurtiki zuen zapatak gordetzeko armairuaren kontra, ia-ia geranioaren loreontzia botaz.

Pasatu egin zen, sakelako altxor preziaz-tua zuen Anak. Segituan mugitu zen tres-naren bila, baina alferrik, pantaila txikituta zuen, ezin bertan ezer irakurri.

Bazkaltzeko orduan lanetik atera eta etxerako bidea hartu zuen sakelako jo-tzen hasi zen mementoan. Pantailara begi-ratu zuen, baina ezin zuen deitzen ari zen pertsonaren izena irakurri. Nor zen jakin gabe hartu zuen.

–Bai?

–Ana, ama naiz.

–Zer, ama? –Anak gogo txarrez.

–Non zabiltza? Berandu zatoz bazkal-tzera.

–Zera... gaur ez naiz joango ama.

–Ez? Baina, lehenago esan bazeñit sikie-ra. Biontzako arraina erosí dut eta ez baza-ria etortzen pasatu egingo da!

–Zera, denbora gutxi daukat, presaka-itzuli behar dut lanera.

–Badakizu, zenbat eta azkarrago etorri, lehenago aterako zara.

–Ezin dudala –Anak muturtuta.

–Neska, egunean ordubete ere ez duzu ama ikusteko? Asteburuetan ez zaitut ikusten, urtebetetzetan justu-justu, ospitalera ere ez zinen etorri osaba Pello ikus-te-ra. Lehengoan zure ikastolako andereño Begoñak galdezu zidan zugatik eta esan nion ez nekiela gauza askorik...

–Bale ama, bale! Joango naiz, ez eman la-tarik! –moztu zion Anak itzaltzeko botoia-ri gogor sakatuz.

Ederki bazkaldu zuen amarenean: dilis-tak eta legatza frijuita. Garaiz heldu zen lanera amaren etxetik. Koordinatzailea etorri zitzzion eta sartu berri zen bezero baten fitxa aztertu eta analisi bat osatzeko esan zion, gaur bertan bidaltzeko. Gogoz hasi zen lanean Ana; bezero berri bat beti izaten zen gauza atsegina, freskoa, aurre-neko aldiz hizkuntza berri bat ikastea bezala. Hiruretan erlojuari begiratu zion, oraindik bi ordu oso zituen aurretik. Lau-retan ia amaitua zuen, baina datu berri bat-zuk aurkitzeko denbora bazuen artean. Bostetan, dokumentua bukatu gabe zuen, baina gutxi falta zitzaiion, argazki batzuk gehitu eta, beharbada, Interneten bilaketa bat egingo zuengaiaren inguruan. Seietan, bururatu zitzakzion idea berriak nola in-tegratu pentsatzen ari zen.

Bederatzietan iritsi zen etxera. Hozkai-lutik jogurt bat hartu eta laboreekin jan zuen telebistaren aurrean. Oheratu baino lehen, litroko Coca-Cola botila hutsa urez bete eta geranioa ureztatu zuen kontu handiz, enborraren inguruan. Lore gorri-tik petalo bat erori zen, loreontziaren az-pian urez betetzen ari zen platerean itoz.

**Miren Juari**sti idazle eskolako 2. mailako ikaslea da. Zine eta bideo ikasketak egin di-tu. Gaur egun, gidoigile lanetan ari da Moztu filmak enpresan.